

Албан бичгийн төрөл: Салбар хоорондын албан тоот
 Огноо: 2023 оны 05-р сарын 02-ны өдөр
 Дугаар: № 23/1-14
 Хэнд: Орон нутаг, Улаанбаатар хотын салбар нэгжүүдэд
 Утга: **Зөвлөмж хүргүүлэх тухай**

Та бүхэнд энэ өдрийн мэнд хүргэе.

Лизингийн зээлээр бэлтгэн нийлүүлэгчтэй хамтран ажиллах гэрээ байгуулахдаа дараах зүйлийг анхаарч ажиллахыг зөвлөж байна.

Манай ББСБ-ын финтек бүтээгдэхүүн болох Мерчант болон Хэрэглээний зээлийг судалж олгохдоо 2023 оны 05-р сарын 03-ны өдрөөс эхлэн дээрх шаардлагыг хангуулан ажиллахыг үүрэг болгож байна.

Бэлтгэн нийлүүлэгчид тавигдах шаардлага:

№	Зээлийн үйл ажиллагааны журам	Ойлголт
1	9.5.4.1. Тухайн бизнесийг 1 жилээс доошгүй хугацаанд эрхэлсэн туршлагатай.	Бизнес эрхлэж байсныг нотлох баримт буюу, бараа татан авалтын баримт, худалдаж буй бараа бүтээгдэхүүний танилцуулга, түрээсийн гэрээ, шаардлагатай бол дансны хуулгаар баталгаажуулж болно.
2	9.5.4.2. Тухайн худалдан борлуулж буй бараа бүтээгдэхүүнд баталгаат засвар үйлчилгээ үзүүлэх чадвартай /Баталгаат засварын хугацаа 6 сараас доошгүй байх/.	Бэлтгэн нийлүүлэгч нь худалдан борлуулж буй бараа материалдаа 6 сараас доошгүй хугацаанд баталгаат засварын хугацаа гаргаж өгдөг байх.
3	9.5.4.3. Бэлтгэн нийлүүлэгч нь лизингийн зээлийн үйлчилгээний шимтгэлийг зээлийн дүнгээс хамтран ажиллах гэрээгээр тодорхойлсон хувиар төлөх боломжтой.	Үйлчилгээний шимтгэлийг 2%-аас багагүй байхаар тогтооно. Бэлтгэн нийлүүлэгчийн худалдан борлуулж буй бараа бүтээгдэхүүний өгөөжөөс шалтгаалан 2%-аас дээш хувиар тогтоож болно. Шимтгэлийн хувийг тогтоохдоо Гүйцэтгэх захиралтай зөвшилцөнө.

Бэлтгэн нийлүүлэгчийн бүрдүүлэх материал:

№	Зээлийн үйл ажиллагааны журам	Ойлголт
1	9.5.5.1. Албан хүсэлт	Журмын дагуу холбогдох материалыг бүрдүүлж хамтран ажиллах гэрээнд хавсаргах
2	9.5.5.2. Иргэний үнэмлэх /хуулийн этгээдийн хувьд эрх бүхий албан тушаалтных/ 9.5.5.3. Хуулийн этгээдийн улсын бүртгэлийн гэрчилгээний хуулбар	
3	9.5.5.4. Худалдан борлуулах бараа, бүтээгдэхүүний танилцуулга, үнийн санал	

Хамтран ажиллах гэрээ байгуулах:

№	Зээлийн үйл ажиллагааны журам	Ойлголт
1	9.5.7. Улаанбаатар хотын хувьд зээлийн зээлийн бодлогын чиг үүрэг бүхий ажилтан холбогдох судалгаа хийсний үндсэн дээр шаардлага хангаж буй иргэн, аж ахуй нэгжтэй лизингийн зээлээр хамтран ажиллах гэрээг байгуулна.	Улаанбаатар хотын салбарын хувьд бэлтгэн нийлүүлэгчээс хамтран ажиллах хүсэлтийг авч “Зээлийн бодлого хариуцсан захирал”, “Бүтээгдэхүүн хөгжүүлэлт хариуцсан мэргэжилтэн” нарт танилцуулан холбогдох уулзалтыг хийж, судалгаа хийснээр гэрээг Гүйцэтгэх захиралтай байгуулна.
2	9.5.8. Орон нутгийн салбарын хувьд салбарын захирал нь тухайн нутаг дэвсгэрт тогтвортой үйл ажиллагаа явуулдаг, шаардлага хангаж буй иргэн, аж ахуй нэгжтэй хамтран ажиллах гэрээ байгуулах зөвшөөрлийг гүйцэтгэх захирлаас авсны үндсэн дээр байгуулна.	Зээлийн үйл ажиллагааны журмын 9.5.4 бэлтгэн нийлүүлэгчид тавигдах шаардлагыг хангуулан, 9.5.5-д заасан бүрдүүлэх материалын бүрэн гүйцэт бүрдүүлж хавсарган Гүйцэтгэх захирал болон Бизнес хариуцсан захиралд илгээж гэрээ байгуулах зөвшөөрөл авна. Цахим шууданд бэлтгэн нийлүүлэгчийн бизнесийн үйл ажиллагаа, туршлага, бараа бүтээгдэхүүний талаарх мэдээлэл, үйлчилгээний шимтгэл авах санал зэргийг тусгасан байна.
3	9.5.9. Хамтран ажиллах гэрээний нөхцөлийг зээлийн бодлогын чиг үүрэг бүхий ажилтан програмд бүртгэнэ	Хамтран ажиллах гэрээ байгуулсаны дараа гэрээг скайнердаж “Бүтээгдэхүүн хөгжүүлэлт хариуцсан мэргэжилтэн” -д илгээнэ. Гэрээг бүртгэж https://core.gcredit.mn/ системд зээлийн судалгааны хэсэгт “Бэлтгэн нийлүүлэгч” хэсэгт байршуулна.

ГҮЙЦЭТГЭХ ЗАХИРАЛ



Б.ОДГЭРЭЛ